

內蒙古紀要
花楞編

亞洲民族考古叢刊
第 六 輯

內蒙古紀要

花 楞 編

南天書局發行

亞洲民族考古叢刊第六輯（全十冊）

定價新台幣四八〇〇元正

發行所：南天書局有限公司

登記證字號：行政院新聞局局版登業字第一四三六號

出版者：南天書局有限公司

台北市羅斯福路三段二八一號三樓之二

電話：（〇二）三九二〇一九〇

郵政劃撥帳戶：〇一〇八〇五三一八號

印刷者：文大印刷有限公司

台北市西園路二段二八一巷六弄二二號

中華民國七十六年一月景印

SOUTHERN MATERIALS CENTER, INC.

P. O. Box 13-342 Taipei, Republic of China.

臨川花楞述

內蒙古紀要

范源廉著檢

第壹拍

市

魏宗瀚題



蔣序

翳昔願船宏箸。朔方有備乘之稱。默深微言。聖武附籌邊之誌。類能鈎稽戎索。渲染皇圖。使甌脫之鄉。要荒之地。皆爲防維所及。擘畫所周。惟統論夫全邊。非專詳於一部。慨自勝清道咸以降。迄乎光宣。強俄西掠。回部東扼。挾外蒙既馬腹鞭難。內蒙亦魚池殃及。方今日繼俄後。滿爲蒙先。未得隴已有望蜀之心。欲弱魏即蓄并韓之策。有志之士。所以眷念國防而案歎增唏也。花君虛白。游學東瀛。谷言西顧。目擊鄰氛之迫。心傷國步之艱。杖策歸來。未遽投班超之筆。著書發憤。願得附史氏之林。爰撰內蒙古紀要一書。以冀警醒同袍。綢繆未雨。凡地文人文之狀況。東盟西盟之源流。莫不皎若列眉。瞭如眎掌。以視何魏二氏之籍。雖範圍有廣狹之殊。而精神有獨到之處。取材既富。隸事亦精。後附史畧一編。表往昔元代之雄圖。慨末世清廷之失策。天非常。醉海易生桑。

成敗由人。古今同揆。不佞雖誦數過。感慨滋多。今之陰山北去。大漠南來。白狼烏桓。原萬里金甌之屏障。奈曼敖漢。皆千秋鐵券之藩封。要在翊衛神京。重在消弭邊警。嗚呼。山川聚米。馬伏波制虜有才。利病成書。顧寧人於今不作。陸沈可懼。國恥疇興。花君迺輯其舊聞。成斯傑構。滿紙皆憂時之淚。呼天非無病之呻。上下縱橫。淋漓悲壯。心長語重。慮遠思深。探史箴而自具三長。懸國門而難更一字。杜征南平吳將畧。早在胸羅武庫之時。左太冲作賦才華。可徵紙貴洛陽之價。是爲序。民國五年秋。應城蔣作賓。

秋間銳姪遇虛白於都中自言與予家舊
姍銳姪不知誰何但言江西臨川人而口
捺蜀音廬地藏庵予聞而訪之問其家世
驚曰君祖五十年前予鄰居而葭蓂戚也
君其孫耶問其堂上七旬老母尚存問捺
何業由蜀歸已入學食餼王革研守撫州
時賞識其文問近何著作出一編示予讀
之則內蒙古考證詳確嗟乎中國以蒙古
為藩籬近年粉飾新政百端林立獨於蒙

古漢視焉君作此誠有心人哉今之達官
貴人與夫熱心愛國之士儻瀏覽是編而
急急圖之庶不負作者之苦心也夫

民國五年十二月下浣珠巖山人高樹序

羅序

吾見夫鄉人之處室者。其父若兄坐堂皇。子若弟供奔走。日唯竊竊焉。高閤閼繕牆垣。固扃鑰厚積藏之是務。而無或乎稍懈。曰以備不虞也。噫可謂智且能矣。治國亦何以異是。今夫滿蒙國之閹閼。畿輔之牆垣也。互市以來。扃鑰不固。積藏不密。其視眈眈其欲逐逐。且羣相伺于吾側。斯其爲不虞也大矣。不爲之指津梁。嚴守備。徒患鄰之強而自安於弱。徒責人之狡而自甘於愚。迺所謂明于小昧於大者也。其可乎哉。花君虛白蓋知之矣。虛白本究心於輿地兵謀之學。奔走海內外十餘年。曷嘗陟戎壁之墟。憑吊成吉思之遺烈。愴乎有今昔河山之感焉。今且舉軒輶之所探訪。驛館之所紀載。搜而輯之。都爲五卷。名曰內蒙古紀要。付之梓以問世。觀其所指述。差有異乎嚮壁虛造之所爲。或亦恍邊

事之日難。守備之不容弛。促起國人之防禦性。以貢其所得乎。其志雖已。吾故樂爲之序。以與國之人共相勉乎斯義而推暨之。母爲鄉人笑焉。且日夜望虛白之進於是而更有作也。合肥羅開榜序



弁言

歲乙卯。居東肄學。恥日人之脅我以最酷條件也。投袂歸來。息蹤滬上。五月七日。我竟以無力抵抗。屈認五號二十一項之要求。辱國喪權莫甚焉。彼日本朝野軍政家。夙持北進之陰謀。實現其大陸政策之主張。至是而得以長足進取。顧瞻我國。寒已及於肩背。禍將中於腹心。縱及今作亡羊補牢之計。奮起以圖存。而環吾國者。欲逐逐視眈眈。相逼以俱來。實有應接不暇之勢。患固匪止日本也。然度勢量權。則以日患爲尤烈。迹其肘腋逼處。遠蹠高舉。戰俄之後。卽奪取旅大兩軍港。邇復乘歐戰之便。假英日同盟爲口實。破壞均勢。攻取青島。尋毀抵鐵。無微不至。蓋其既併朝鮮。卽圖南滿以爲屏藩。覬內蒙以爲外衛。此擴張領土之野心。路人皆見也。今駁而實以浪人。盾以武力。內蒙將奚恃而不危乎。滿蒙之勢。已入彼括囊之中。而更有旅大膠州。據爲犄角。其一舉手投足之間。直輕重我北京。而

有餘矣。東西盟各部轄境。遼金因之以蹂躪中原。雄踞黃河以北。滿清入關。亦惟科爾沁等之疏附奔走於前。喀喇沁等之嚮導內應于後。無他。形勢利便故也。左文襄有言。中國邊患。西北劇于東南。又言保新疆。卽所以保蒙古。保蒙古。卽所以保北京。是則日本之內蒙侵入。危急存亡。可想見已。生存競爭。爲人道所不能避。而于國際團體之間。其形愈顯。而其勢愈劇。我國遭時艱難。幾無實力以自衛于國際競爭之時。今又蒙此奇恥。尙忍不持。猛進奮鬪之精神。以力圖富強乎。况我國地大人衆。儘有可爲。卽僅以內蒙一隅論。有數十萬方里之沃壤。物產廣饒。而人民又復服從。忍耐以之。充軍實備。教戰已足。以雄視乎東方。舍此不圖。而坐待強鄰之俎割。不重可傷哉。吾聞之。多難足以興邦。若因今日之奇恥。而激起通國人心。常懷寇至無日之懼。則今日之內蒙侵入。未始非貽我良藥。起沈疴于九死之餘也。余奔走海內外。目擊邊事日非。編成內蒙古紀要一書。都五

篇。約數萬言。以爲鞏固國防之一助。或亦國人所樂聞而教之者夫。
民國四年十月

臨川花楞



內蒙古紀要 弁言



凡例

一 向來蒙古書史類關沿革鮮能喚起讀者精神是書翔徵博考切實調查與普通地誌甚有區別

一 是書共分五編一總論二地文三人文四各部狀況五史略

一 書內字傍有Ⅱ號者係指地名Ⅰ號者係指人名

一 日人調查蒙事綦詳是書事實間多採取並列舉參考書於后以昭徵實

一 地誌非圖不明日本兵林館所刊內蒙古概見略圖又關東都督府所刊物產畜產兩圖及他書挿畫撰要附入用備參考

一 述者識淺學庸旅次編輯圖書不備疏略之處知所不免海內宏達幸匡不逮

編者識

引用圖書目錄

聖武記 魏源撰

朔方備乘 何秋濤撰

凡例

凡 例

蒙古考略 龔棠撰

大清一統輿圖 胡林翼著

蒙古游牧記 張穆撰

東蒙古之真相 日人松本雋撰

東蒙古 日人宮本林治編輯

滿蒙處分論 俄人黑鶴公著 日人大井包孝譯

滿州地誌 日人守田利遠編

滿州要覽 日遼東兵站監部編

蒙古土產 日人一宮操子撰

蒙古及滿州 日人烏居龍藏編

現代蒙古 日本農商務省商工局譯

蒙古地誌 日本參謀本部編

此外關於蒙古雜誌及各種小冊不及備載